

## NÉMETH ISTVÁN

### A KASSAI KÖVETEK JELENTÉSE AZ 1572. ÉVI FEBRUÁR – ÁPRILISI ORSZÁGGYŰLÉSRŐL (II. rész)

Series itineris a dominis Legatis Cassoviensibus ad Conventum Regnicolarum generalem pro festo Purificationis Dominae Virginis Celebrandum Posonii<sup>14</sup>, evocatis, suscepti Anno salutis 1572.

Januarius

21 a

Cassovia<sup>15</sup> discessimus. Venimus eo die in malleum Cassoviensem.<sup>16</sup>

22 b

Venimus Novocomium.<sup>17</sup> Ego Leutschoviam ex oppido Crompach<sup>18</sup> ablegatus percontatum an coeteri Civitatum legati advenerint. Responsum accepi a domino Judice Ipsos quidem praesto fuisse, sed propter negotia privata, quae ipsius Majestati Viennae exponenda erunt, nostrum adventum expectare non potuisse Ideoque 19 adhuc Januarii iter ingressus [fuit] esse Redii Novocomium nocte intempesta. Per benigne a domino Thoma Frolich<sup>19</sup> accepti sumus.

---

14 A szerző utólag írta be.

15 *Kassa (Abaúj vm.)*

16 *Kassahámor (Abaúj vm.)*

17 *Igló (Szepes vm.)*

18 A szót utólag írta be a szerző. *Krompach (Szepes vm.)*

19 *Frölich Tamás, cassai lelkész. Id. Kemény Lajos: A reformáció Kassán. Kassa, 1891. 26-27. p. Uő: Frölich Tamás cassai pap megidézete. Történelmi Tár 1892. 575-576. p., ill. uő: Két cassai plébános a XVI. században. Századok 1895. 26-41., 119-135., 227-238., 329-341., 441-457. p.*

23 c

Novocomio post executa mandata ab Inclito Senatu Legatis de vocando Domino Thoma iniuncta, Comitante nos eodem, Leutschoviam<sup>20</sup> venimus, eoque die nobiscum, qui nondum rebus omnibus instructos Leutschovienses expectare sumus rogati, mansit. Puella ob necatum infantem nobis nubem ingredientibus capite plectitur.

24 d

Leutschovia in pagum Cherbata vade litterae<sup>21</sup> ad Senatum de responso a domino Thoma dato missae sunt. In hoc itinere Ex Conventum prorogatum esse, intellectimus.

25 e

Ex pago Cherbata<sup>22</sup> in oppidum Sancti Nicolai<sup>23</sup> unde ad Benedictum Kubini Vicecomitem Comitatus Liptoviensis missus sum percontatum de statu seu conditione indicti Conventus Regnicolaris sibi aliud nihil constare quam hanc Conventus inductionem et celebrationem processuram esse. Haec dies Sacra Conversioni Pauli fuit valde turbulenta: Mane nebulosa, Reliquo toto die nivosa, Serenitatis hoc die apparuit nihil.

26 f

Ex oppido Nicolai in pagum Turona<sup>24</sup> Tipensinimus semel Vagum semel Oravam et per loca montosa aspera et confragosa iter fecimus.

20 *Lőcse (Szepes vm.)*

21 Javította az eredetileg „a”-nak írt végződést.

22 *Csorba (Liptó vm.)*

23 *Szentmiklós (Liptó vm.)*

24 *Turány (Turóc vm.)*

27 g

Ex pago Turna in pagum Niedescher<sup>25</sup> sub montanum. In eo itinere ad oppidum Suchan<sup>26</sup> relatum est nobis de morte Imperatoris Hoc metu rursus liberati sumus<sup>27</sup> a Saschoffsky nobis obviam in Niedescher facto, qui Caesarem quaevis letalibus confectum morbis: tamen iam pristenas recuperare vires, dicebat. Hoc die iter valde difficile habuimus.

28 a

Ex pago Niedescher in oppidum Zabokut<sup>28</sup> divertimus ad Viduam quae post bitim nuptura erat.

29 b

Ex oppido Zabokut Galgoczium<sup>29</sup> A meridie magnus ventorum nupetus Boreis Elantibus.

3<sup>30</sup> 30 c

Galgoczio in oppidum Wartenberg<sup>31</sup> excepti hospitio a sene homine probo.

31 d

Vartebergo Posonium<sup>32</sup> circa horam decimam matutinam cum legatis Leutschoviensibus. Eo die nobis de hospitio prospectum est apud Fabrum quemdam Georgium Stokhinger in suburbio inferiori.

---

25 *Nedozer* (*Nyitra* vm.)

26 *Szucsán* (*Nyitra* vm.)

27 A szerző utólag javította be.

28 *Zsámkokrét* (*Nyitra* vm.)

29 *Galgóc* (*Nyitra* vm.)

30 Eredetileg áthúzta, majd újra leírta.

31 *Szenc* (*Pozsony* vm.)

32 *Pozsony* (*Pozsony* vm.)

Consignatio et Coacervatio eorum quae nobis Posonii  
Item Viennae existentibus acciderunt.

Februarius

1 e

Convenimus Archiepiscopum Strigoniensem Verancium. Ab ipso de Conventu Regnicolarum quid futurum esset, percontati sumus, et num Imperatorem Viennae quo se diem ante quam Posonium appulissetsemus, reliqui trium Civitatum Bartfa Epperies et Zebin ob privata negocia apud ipsius Majestatem conficienda contulerant, conveniendum esse arbitraretur. Responso dubio nos divasit nostroque profectionem Viennam versus arbitrio pervasit. Hoc die coruscationes visae, tonitru auditum hora 8 noctis.

2

Ipsa die Conventui celebrando constituto qui fuit dies f de Viennali profectione inter nos deliberatum est, profectio placuit, Dies profectioni Constitutus 4 Februari

3 g

Accessimus Johannem Fischer Consulem Posoniensem, eique de nostro abitu Viennam versus significantes petivimus, Si interea Res publicae Regni sub deliberationem caderent absentiam nostram apud Senatum Regni excusando privatas Civitatum, propter tardum Imperatoris adventum, magni momenti causas, hoc ita fieri postulasse, diceret

4 a

Iter Viennam<sup>33</sup> versus ingressi sumus. Septima traieciimas Danubium. Venimus eo die in oppidum Schvechat<sup>34</sup>. A Coena singuli soluimus Cruciales 16.

---

33 Bécs (Ausztria)

34 Schwechat (Ausztria)

5 b

Schvecheto Viennam hora 9 matutina venimus quo die Ruberum accessimus, eumque ut nobis auxilio, quo Cum ipsius Majestate presentes de oneribus et molestiis publicis Civitatis nostrae colloqui possimus subveniat, oravimus. Praebuit sese erga nos benevolum, ac operum daturum et quamprimum in conspectum Caesaris admittamus pollicitus est. Quam Urbem ingredieremus obviam nobis facti Michael Serator Epperiensis et Stephanus Miller Zibiniensis Posonium rebus suis nondum rite confectis petentes. Lanius quidam ab Hispano aulico interfactus.

6 c

Mane iussu Ruberi qui se, ut in presentiam Imperatoris admittamus effecturi promiserat, in aulam ascendimus ibique adventum ipsius praestolantes, quid facto opus esset deliberavimus. Rubero adveniente facta est nobis presentas ipsum Comitandi ad Conclave contiguum habitatio Imperatoriae. Ruberus Imperatorem adiit ac paulisper ibi commoratus egrediens nobis significavit ut 4 vespertina rursus compareremus, ibi fors ut hoc simus consequuti quod ab ipso cupimus. In hospitium situm ante portam arcis in domo Petri Spindler auff der Lam geneben reversi, prandium sumsimus. Absoluto prandio nos convenerunt Bartphenses et Epperienses Ipsiis presentibus supplicatio Communis. 5 Civitatum perfecta est, Domino Laurentio ipsis, si quid immutandum aut addendum esset commonefaciente. Placuit singulis, ac unum maxime necessarium nimirum de Vinorum negociatione Civitatensibus propria paecepta desiderari. Nomine igitur omni Civitatum privatam nostram hac de re supplicationem ipsius Majestati offerendam esse conserunt. Nostri missi, ne quid morosius facere viderentur, facile id concesserit Atque ita re transacta 3 urbem ingressi, in priori loco adventum Ruberi expectavimus. Adveniens nos subsequi iussit, hoc facto paulisper commorati sumus, ac ita in presentiam Imperatoris admissi Dominus Laurentius Aurifaber, et Johannes Henisch ubi et supplications exhibuerunt, et de calamitatum ac gravaminum magnitudine conquesti humilime ut Caesarea Majestas huius malo oportunum remedium afferret petierunt, Benigne a Caesare accepti relationem talem acceperunt, Se

Clementer ac paterne ipsis perfectis supplicationibus provisuri esse ac mandaturi, ut primo quoquo tempore res ad expeditionem veniat. Hoc die paulo ante ascensum nostrum in aulam, Hispanus Sarctor gladio Sarctorem Germanum, quod ipsum de solutione solicitasset, traiecit.

Fuimus cum Listhio.

7 d

8 e

Litterae ad Senatum Cassoviensem missae per Christophorum Ruber.

9 f

Mane septima in aulam ascendimus ac de supplicationibus nostris Imperatori exhibitis, perquisivimus. Primum in domo deliberationibus bellicis destinata. Secundo apud Secretarium Camerae aulae Jacobum Hueber virum in primis facilem et humanum. Tertio apud Listhium Episcopum Wesprimiensem cui cum Supplicatio contra [Pe] Valentimum Segnei et Polonum [exhibita esset] cum deliberatione et responso Caesareo super hac exhibita esset<sup>35</sup>, operaे precium videbatur ipsum propterea sollicitare. Itaque reviso tali nos dimisit. Primum Caesarem Majestatem ita affectam esse, ut non velit aliqua in re Privilegiis ac libertatibus Civitatem iniuriam fieri, sed potius contra haec delinquentes graviter animadverterum. Et quia aliquid contra Valentinus Segnei molitus sit Caesarea Majestas ita in ipsum animadvertere decrevit, ut scriptis litteris ipsi Caesaris inclemensia denuncietur. Quod vero ipsum Polonum concernit, statuit Imperator ipsum dimittendum esse, sed hac ratione, ut sibi interdictum esse sciut regno Hungariae, ac intra fines eiusdem nullos exercent contractus.

10 g

Listhius Posonium discesat.

---

35 Javítva *est*-ről.

11 a

Accessimus Jacobum Hueber, petentes ut quid de supplicationibus nostris reliquas statutum esset, nobis non gravatim aperiret Item sibi aliud nihil de his constare quam quod Consiliariis Camerae Scepusiensis per litteras mandati, quibus duae nostrae supplicationes, Una nomine Civitatensium pro Vini libera negotiacione, quae hactenus interclusa fuerat supplicantium: altera Civitatis Cassoviensis de debito a militibus Caesarianis superioribus annis contracto propria, adiunctae sunt, iniungatur de his plenius ut respondeant planamque faciant rei totius formam, seu modum Ideoque nostrum requirere officium ut quoque citissime litterae mandati Veredario commissae Cassoviam transmittantur. Inde tandem responso allato Supplicationes nostras in deliberationem venturas. Hoc modo dimissi, id quod res postulabat persequuti sumus, ac litteras ad Senatum Cassoviensem de serie et modo totius negocii datis, petivimus ut Statunt ac naviter operam darent, quo Camerales parva interposita mora, dicto Imperatoris obtemperent, sensuque nostrarum Calamitatum iacti, studeant nobis quoque prodesse.

12 b

Fuimus Cum Raumingero.

13 c

Apud Rueberum, Georgium Teuffel presidentem Raizacherum Secretarium, Christophorum Cueglerum Expeditorem, seu Registratorem Camerae bellicae negocioum nostrum visimus.

14 d

Dominus Laurentius mane Praesidentem Camerae bellicae Teuffelum, ego Cuglerum accessimus, ac ipsos de negocio nostro transigendo sollicitavimus. Vienna discesserunt dominus Laurentius. Martinus Kamnern me Viennae relicto ad negocioum nobis urgendum

15 e

Deliberatio Cameralium bellicorum super negocio nostro concernente domos et milites iuri Civium sese submittere nolentes, et tum in evidens damnum artificum Civitatis suum exercentes artificium fit exhibita Imperatori. Prima tandem Secretarium Raizacherum accessi, querens quid de negocio nostro factum sit. Item Imperatorem conclusisse ut de his gravaminibus litterae mandati Rubero dentur, nobis vero literarum illarum [transcriptum] exemplum

16 f

Apud Cuglerum negocium visi.

17 g

Maxima aeris intemperies, nives copiosae, venti frigidissimi.

18 a

[Ruberum] Raizacherum hic Cuglerum de expeditione sollicitavi. Coci Caesarei nuptias Rusticorum mira arte ante aulam Imperiale representarunt. 19 b Hoc Negocium visi.

20 c

Accepi litteras a domino Laurentio quibus significatur Camerae Scepusiensi, id quod Listhius se facturum receperat, de negocio Segneum et Polonum concernente nihil esse scriptum ideoque Hueberus accedendis, Cui haec res expedienda commissa est. Ego acceptis litteris continuo Hueberum accessi, ac totius rei seriem recensendo, petii ut de re Camerae Scepusiensi scriberet. Item sibi nihil a Listhio cui haec res curae esse debebat, nec supplicationis quicunque, nec responsi ab Imperatore dati transmissum esse, seque ideo nobis nunc pro ratificari non posse. Verum si negocium hoc compositum esse volo, tunc de causae huius<sup>36</sup> conditione

36 Eredetileg *hac-nak* írta.

domini commonefaciendi, et Listhium accedunt ac ab ipso responsum super hac causa petant, ipsique transmittant. Tandem se bene curaturum ut res transigatur Raizacherum de negocio nostro requisivi. Reiecit me in diem sequentem quo etiam res composita est.

21 d

Traditum est mihi mandatum Cacsareum ad Rüberum nobis autem illius mandati transcriptum.

22 e

Archiduces Austriae Rodolphus et Ernestus filii Imperatoris hora undecima, Vienna ad Posoniensem Conventum inchoandum discesserunt.

23 f

Posonium appulerunt. Frigus intitusissimum.

24 g 25 a

Ego cum dominis Leutschoviensibus Vienna discessi.

26 b

Posonium veni quo die factum est initium tractationum Conventus Regnico-larum Articuli, qui sub deliberationem venturi erant, recitati. A prandio Legati singulorum Comitatuum Ac Civitatum sua in medium gravamina quibus hactenus passi ac molestati sunt Sacrae Majestati Caesareae suppliciter offerenda, attulerunt.  
<hoc die Sepultus est Dominus Mestei>

27 c

Mane 6 in Curia Posoniensi missi Civitatum singularum convenerunt, ibique de communi consensu duos articulos (quoniam singuli Comitatuum et Civitatum le-gati iussi erant onera et gravamina ipsos molestantia scripto comprehensa Magistris

Conventus, exhibere) concernentes in gravamine omnes Civitates Regni, factos, nimirum de intolerabili taxarum seu contributionum fortuitarum gravitate tenienda, Item de libertate in Teloniis Tricesimis Civitatensibus Servanda, Congregationi Regnicolarum obtulerunt. Quinque nostrae Scepusienses 8, quorum tenor sequitur.

Sacratissima Romanorum Imperator Regiaque Majestas etc. domine domine noster naturalis ac clementissime.

Post perpetuae fidelitatis ac fidelium servitiorum nostrorum in gratiam Sacrae Majestatis Vestrae Caesareae humilimam subiectionem. Supplicatur Majestati Vestrae Caesareae nominibus et in personis liberarum Civitatum Superiorum Regni Hungariae partium in eoque humilime, ut cum in omnibus suis privilegiis, praerogativis Juribus, libertatibus antiquis, et laudabilibus Consuetudinibus, quibus olim usae et gavisae sunt, nunc miru in modum labefactentur Sacra Majestas Vestra (subsequentia earundem communia gravamina benignissime perpendere ac pro sua pietate, regiaque iustitia dictas Civitates contra omnes impeditores, turbatores, ac temerarios et Contumaces violatores gratiose semper defendere ac manu tenere dignetur.

Primo quidem ut notoria illa libertas Regalium Civitatum, quae ab omni et quavis Teloniorum exactione iuxta Decreta Regni per totum Regnum exemptae sunt, per omnes ordines et Status eorumque officiales seu Teloniorum exactores ubique in regno observetur. Et ne impune cuique hanc libertatem, pro ut soepe fit, violare liceat. In quo videtur illud pernecessarium, ut certa aliqua poena proponatur, cui de facto subiacere cogantur Decretorum Regni et Sacrae Majestatis Vestrae mandatorum contemptores, ac temerarii predictae libertatis Civitatum violatores. Similiter ut sicca quoque Telonia iuxta articulos Regnicolarum in Superioribus Diaetis aeditos iam tandem deponantur, et ubique deiiciantur.

Secundo, ut vera, antiqua legitimaque privilegiata Depositionum generalium loca serventur, roborentur, et efficacem habeant defensionem: Ne videlicet Civitatum et Regnicolarum commoda per vagos illos forenses mercatores, qui loca verarum depositionum assidue transgredimuntur, fraudulenter praeripiantur.

Tertio. Ut quemadmodum non ita pridem Tredecim oppidis Scepusiensibus, pro qua re Sacrae Majestati Vestrae Caesareae istae liberae Civitates immortales agunt gratias: ita et singuli ac Universis Polonis in perpetuum interdictum et prohibitum sit, ne quisque eorundem deinceps Vinorum, pecorum vel aliarum emendarum rerum seu negociationis exercendae causa post vel infra Cassoviam quoquo modo liberam proficisciendi potestatem habeant.

Quarto. Vinorum eductionem in Poloniam edicto Sacrae Majestatis Vestrae Civitatibus istis prohibitum dignetur non tunc hoc, sed omni deinceps tempore liberam promittere, cum presertim ea prohibitione nemini magis quoque Sacrae Majestatis Vestrae regio fisco, et peculio Civitatibus nempe istis nocentur. Anmadversum re et Rusticos et alias Oppidanos istis in partibus degentes dum Cives liberarum Civitatum ob interdictum Sacrae Majestatis Vestrae ab evectione vinorum abstinere coguntur, magnam ex tali prohibitione sumpsisse occasionem ac licentiam posthabita agricultura exercendae omnis fere generis mercatura. Ex qua rusticorum, oppidanorumque licentia Civitatibus istis earumque libertatibus cum maximo earum detrimento et iniuria contra omnem aequitatem vehementer preiudicatur.

Quinto. Antiqua Regni libertate et publica Constitutione de iis rebus quae intra Regni terminum emebantur olim nulla exigebatur Tricesima. Nunc autem etiam a bobus cis Tibiscum in Civitatum et gentium Sacrae Majestatis Vestrae Caesareae communem usum et macella per Civitatenses lanios emptis. Eodem modo et de Equis quibus ex Transylvania cives harum Civitatum, ob faciliorem longi itineris confectionem equitant, Tricesima exigi solet.

Sexto In Nonarum et decimarum perceptione exitialis quoque abusus irrepsit de quo et ante quaerelae factae sunt. Nona enim quae domino terrestri cedit accepta, Decimator qui Episcopalem percipit Decimam locum vasis Nonae vacuum pro vase Vini numerat. Et sic inusitata et indebita excogitata ratione accipit decimam. Ex quo rursum constat (proh Deum) miseros undique vehementer previi et affligi.

Septimo. Quicunque ex Vineis suis Vina collegerunt, tenentur ex veteri instituto tantum Vini suo in Curru ad Domum Decima de Vinea deducere quantum ad Nonae

et Decimae solutionem sufficit, receptisque suis, quibus Vinum continebatur Vasis. Item, Nec cogebantur ut quoque alio vel ulterius Nonalia et Decimalia Vina per suos aurigas veherent. Fit autem nunc cum magna iniuria multorum hominum, ut huiusmodi Vasa ipsi decimatores nolint restituere. Officiales quoque nonnulli cogant miserrimos Civitatensium precio conductos aurigas Decimalia Vina non ad usitatum et competentem tunc locum, sed longius Agriam usque et ad alia loca, quod a Seculo non est factura, nec auditum, devehere.

De his gravaminibus, quae Civitatum statum, fortunas et permansionem in dies enervant, clementer avertendis Sacrae Majestati Vestrae dictae Civitates humilime supplicant, summa spe fiduciaque nitentes Sacram Majestatem Vestram tanquam plentissimum principem et Imperatorem iustissimum hanc nostrarum calamitatum signem quam nobis debita fides et obedientia erga Sacram Majestatem Vestram reticendam non esse suasit, ac humiliam supplicationem clementer esse accepturam et nostrae incolumitati laeta provisione subventuram.

Eiusdem Sacrae Caesareae et Regiae Majestatis Vestrae

Fideles et humili subditi Judices et Jurati Cives Civitatum

Cassa Leutscha Barthfa Epperies et Zebyn

<Streinium accessimus 29. Listhius primum nobis supplicationem nostram Item scriptum Cameralium Scepusiensis contra Segnei et Polonum [exhibito est Streinio] cum voluntate Cesarea exhibita, ut Sreinio presidenti Camerae aulae exhibeamus iussit>

Martius

1. 2. 3

Articuli a Majestate Caesarea Regnicolis propositae sub deliberationem acceptae. Articulorum autem describendorum potestas mihi non est concessa, et si hac de re Magister Andreas ut describendos concederet articulos, requisitus sit a Domi-

no Laurentio [sit requisitus]. Dierum singulorum propositionem propter lingua imperitiam non potui.

4 [d] c

Decisiones super articulos factae a Nobilibus exhibitae Baronibus in domo Archiepiscopali congregatis Item Legati Civitatum in hospitio nostro congregati singularia Civitatum gravamina Majestati Suae scripto supplici offerenda, concluderunt.

5 d. 6 e

Danubium ponte navalii sternere coeperunt.

8 f

Ad sepulturam Michaelis Merey discesserunt duarum Civitatum Epperies et Bartpha legati

9 g

Hueberus nos per litteras de negocio Polonum concernendum certiores reddidit. Mandatum ad Cameram Scepusiensem de Polono dimittendo nobis exhibuit Secretarius Kerve. Tenor huius talis est

<10 a

Mandatum hoc Camerae Scepusiensis transumpsum>

Maximilianus etc Cognovimus ex litteris Vestris 6 Decembris ad nos datis, quae nobis de Valentino Segney nobile, qui cuidam Polono iam comprehenso famulum suum ad Vina infra Cassoviam emenda adiunxerat, retulisti. Nos itaque prefato Nobili ex Cancellaria nostra Hungarica serio scribendum iussimus ut in posterum se a talibus contineat. Polonum autem cum plurimi pro illo apud nos institerint, volumus et dimittatis addita comminatione poenae si amplius intra fines regni Hun-

gariae venerit sibi irroganda, Quo modo benignam executuri estis voluntatem nostram. Viennae 4 die Martii Anno etc LXXII.

Camerae Scepusiensis

13 d

Responsio ad propositionem Caesaream ad Regnicolas factam presentibus Praelatis Baronibus Nobilibus etc. perfecta. Civitates liberae articulo qui contra vera depositionum loca in consilio tunc Magnatam factes contradixerunt Scriptaque supplici, ut noviter inventa et instituta in Oppidis Ztropko Homona et Varano veris depositionum locis postponerentur apud Senatum Regni Ostensis etiam Priviligiis iubi Cassoviensis a divis quondam Regibus datis [institerunt] in mediumque allato articulo super hac re in proximo preteritae diaetae Anni 1569. Conventu conclusi, institerunt.

14 e

Articuli Archiducibus exhibiti

16 g. <17 a

Scortum a milite sclopeta globulo traiecta.>

Nuncii [ad] ex conventu, ad imperatorem ut adventum mutararet [delecti] ablegendi, delecti

18 b

Posonio Secundo Viennam discesserunt pars nunciorum Civitatensium de peculiariibus quibusdam gravaminibus Imperatori conquesturi Domini Laurentius Auri-faber Cassoviensis Cum amanuensi Jacobo Czurk, Paulus Sturm Leutschoviensis, Bartholomeus Purlamucz Melchior Creüsel Barphenses Johannes Fischer Epper-iensis Stephanus Miller Cibiniensis Septimana nos subsecutus Traiecimus Danubium cum summus esset ventorum nupetus

19 c

Viennam venimus

20 d

Circiter horam tertiam pomeridianam beneficio Comitis Eky<sup>37</sup> Capitanei Supremi [Ruber] Jauriensis in presentiam Imperatoris admissi legati, iniuncta sibi a conventu exposuerunt. Civitatenses exposita oretenus serie miseriarum ipsos praeuentum eadem scriptos [peculiaribus] supplicibus duobus comprehensa imperatori exhibuerunt Primum 12 articulorum Cuius tenor sequitur.

Sacratissima Romanorum Imperator Regiaque Majestas etc. Domine Domine noster Naturalis ac clementissime

Post perpetuae fidelitatis<sup>38</sup> ac fidelium servitiorum nostrorum in gratiam Sacrae Majestatis Vestrae humilimam subiectionem. Supplicatur Sacrae Majestati Vestrae Caesareae nominibus et in personis Liberarum Civitatum Superiorum Regni Hungariae partium in eo quoque humili me subsequentia earundem multa et varia commune gravamina benignissime perpendere, ipsisque in eisdem clementer de maturo et oportuno prospiceri remedio dignetur.

Primo, Ut cum in omnibus suis privilegiis, Praerogativis, Juribus, Libertatibus antiquis et laudabilibus Consuetudinibus, quibus olim usae et gavisae sunt, nunc mirum in modum, ac subinde magis magisque labefactentur Sacra Majestas Vesta Caesarea pro sua pietate Regiaque Iustitia easdem contra omnes impedidores, Turbatores ac temerarios violatores gratiose semper defendere ac manu tenere dignetur.

Secundo, Ut notoria illa libertas Regalium Civitatum quae ab omni et quavis Teloniorum exactione, iuxta decreta Regni per totum Regnum exemptae sunt per omnes ordines et status, eorumque officiales seu Teloniorum Exactores ubique in

---

37 Eck von Salm

38 A kéz fidelis-ról írta át fidelitatis-ra.

regno observetur. Et ne impune cuiquam hanc libertatem pro ut soepe fit, violare liceat. In quo videtur pernecessarium, ut certa aliqua poena proponatur cui de facto subiacere cogantur Decretorum Regni et mandatorum Sacrae Majestatis Vestrae Caesareae contemptores, ac temerarii predictae Civitatum libertatis Violatores. Similiter etiam ut sicca quoque Telonia iuxta articulos Regnicolarum in superioribus dietis editos iam tandem deponantur et ubique deriificantur.

Tertio, Ut vera, antiqua, legitimaque Privilegiata Depositionum generalium loca conserventur, roborentur et efficacem habeant defensionem, ne videlicet Civitatum et Regnicolarum commoda per vagos illos forenses mercatores qui loca verarum depositionum assidue transgredimur fraudulenter proripiantur.

Quarto, Ut a contra noviter excogita et antea inusitata Depositionum loca Fisco Sacrae Majestatis Vestrae Caesareae regio et Liberis Civitatibus vehementer noxia, qualia sunt in oppido Ztropko, Et ad Monasterium Lechnicz, in perpetuum aboleantur. Anteque nobilis Magnificus Dominus Johannes Petheo de Gerze etc. districtum Ztropko teneret nullam ibi depositionis locumque fuisse constat, Sed tunc Tricesiminatorum Servitorum ibidem existentes diligenter observasse, ne per vias sinistras Vina et aliae merces sine Tricesimae solutione clam e regno educerentur. Nunc autem ad dictum oppidum et Vina magno numero advehuntur, et Poloni eo suas adducunt, et negotiations ac Commutationes mercium quaslibet tanquam in vero depositionis loco libere, et cum maximo Sacrae Majestatis Vestrae Caesareae et Civitatum istarum damno, iniuria ac preiudicio Libertatum ipsarum exercent.

Eodem modo et ad monasterium Lechnicz quod Magnificus Dominus Casparus Magochy etc possidet plane in ipsis Regni Hungariae Versus Poloniam finibus, situm, ad ripam fluvii Dunawiecz qui Regna Hungariae et Poloniae eo in loco disternat plurima Vasa Vinorum educuntur maiore quam necessitas quotidiani usus Monasterii illius exigeret, nimirum numero. Poloni igitur loci propinguitate et commoditate emendorum vinorum affecti, non venient post hac in Civitates negotiatum, aut vina emptum, sed ibi (sic!) ibi facile sua commoda parare, et longe existentes Tricesimatores etiam sine Tricesima Vina evehere poterunt, admittenturque maxime, ut facile colligere sit ex huiusmodi locis tam defraudationem Fisci

Sacrae Majestatis Vestrae subsequi praeter expectationem posse, quam istis miseris Civitatibus nil nisi summam egestatem et intentum irrepere coepisse. [két üres oldal következik]

Secundum Germanicum, ut Imperator Civitates gravitate Taxae obruere tandem desinat: huius tenor talis.[három üres oldal következik]

Nos pro reddentes debites denuo Supplicavimus in hunc modum.

Allerdurleuchtigster großmächtigster Römischer Keyser vnnser aller genedigster Naturliher Herr vnnd König

Euer Keyserlicher Majestät sindt vnnser Vntertenige [vnd] gehorsame ganczteilige geflissene dienst mit ewiger trewheit allezeit befor. Allergenedigster Keyser Nach dem wir an Ewer Keyserlicher Majestät vor Kurczverschinen tagen ettliches [schulden] geldes halben so zu vnderhaltung Euer Keyserlichen Majestät in obern Creis Vngern Kriegs volk vonn gemeiner statt Caschaw yn nechst verschinen yaren dargelihen worden, suppliciret, Vnnd daruber Euer Keiserlicher Majestät genedigst an die Cipserische Camer ein schriftlich mandat vmb grundtlichen derhalben bericht, gethan. Solches aber vonn ynen bisher nicht beschehen. hatt vns vnnser eygen Not bezwingen, Widervmb an Euer Kaiserlicher Majestät zu suppliciren vnd vmb genedigst beschaid anhalten, furnemlich weil vns die schuldbrief in spem mitgegeben, vnd wir solche darlegen wo es die Nott erfordert, Können, das es also der Cipserischen Camer berichtung nicht bedurfft Suppliciren der wegen Euer Kaiserlicher Majestät als vnnsern allergenedigsten herren Euer Kayserlichen Majestät Wolle yn einsehung vnnser vnd vnser mitgenossen die nicht unnder als wir mit darleyen, furstreken, vnd dergleichen notwendiger bedurffigkeit Euer Kayserlichen Majestät dazumal gewesenem Kriegs volk, dienstlich vnd befurderlich gewesen, durftigkeit vnd höchstem anlichen, darin wir, furnemlich aber die armen schuster, so mit merklicher yres gutts kleynerung Euer Majestät Kriegsvolk dazumal mit schuhen vnd dergleichen Notturfft vbersehen vnd nun nicht wenig vnter ynen mit weib vnd kindt groß armut ausstehen mussen, leyder

geraten sindt, ym vnnser bytt vnd höchstes flehen angelegen lassen sein, vnd genedigklich befel thuen damit solche schuldbrieff vbersehen vnd reuidet (sic!) hernachmals aber noch lawt derselligen solche schulden angelegt vnd ausgezalet möchten werden. Welches wir vmb Euer Keyserlichen Majestät mit gehorsamster trewheit vnd allen so wir haben vntertenigst zuverdienen die zeit Vnnsers lebens geflissen sein wollen Gewartendt vonn Euer Keiserlichen Majestät ein genedige vnd tröstliche antwort.

Euer Römische Keiserlichen vnd Königlichen Majestät allezeit getrewe vnd gehorsame vnterthanen

Richter vnd Radt sampt der ganczen Purgerschafft Cassaw

23 g

Mane Octava Imperatorem rursum adierunt Civitatenses suppliciter petentes Sacra Cesarea<sup>39</sup> Majestas ipsorum rationem habere dignetur ac primo quoque tempore de oblatis gravaminibus laeto responso ipsos dimittere. Imperator se non immemorem fore, sed se ipsis benignissimam collaturum esse gratiam, promisit.

24 a

Hueberus nobis paria mandati ad Cameram Scepusiensem de solvenda domorum aestimatione, dati exhibituit

25 b

Vengerum [de scripto] ut mandato Caesareo de scripto ad Cameram Scepusiensem dando ut debita in litteris assecutoriis consignata solventur, bis convenimus.

---

39 Utólag írta be a szerző, kijavítva a szöveget.

Remisit nos ad Huberum cui iam commissionem huius negotii factam esse dixit  
Reversus Posonio Listhius.

26 c

Litteras a Senatu Cassoviensi ut testimonium perhiberet viduae Wasch Istwan  
de quibusdam agris dominus Laurentius accepit.

27 d

Mandatum ad Cameram Scepusiensem de solvendis debitis Huberus nobis ex-  
hibuit.

28 e

Vienna discessimus, Venimus Posonium.

30 g

Archiduces Ernestus et Rodolphus Comitatu Prelatorum, Baronum ac Nobilium  
non mediocri arce in templum domini Martini deducti

31 a

In arcem Nobilitas ad accipendum responsum Imperatorium ad factam Un-  
garorum conclusionem ascendit dominus Ernestus brevi oratione hortatus status et  
Ordines Regni <est ut> mature deliberent de his ac tandem finem tractationibus  
publicis impoendi. Responsio in domo Archiepiscopali paelecta. A prandio rursus  
in Monasterio. Litteras a Senatu Cassoviensi nobis exhibitas quibus Significatur  
domini Thomam Frölich tertio adverto missum officium vocatum, petitioni ac vo-  
cationi legitimae factae esse a Civibus Cassoviensibus tam tandem assensisse. Sen-  
tentiam de Urbano Barbiel latam Senatum mille modo posse nec nolle retractare

Aprilis

1 b

Nobiles in Monasterio Convenerunt exceptis [quatuor] tres articulis, de Electione et Coronatione Archiducis [Ernesti] Rodolphi Senioris filii Imperatoris 2 de contributione 4 florenorum in quatuor terminis dandorum 3 de Carbonariis Libertis etc. non dicandis reliquos in futuram Diaetam quae Coronationi destinatitur (sic!) [diligentius evolvendos et considerandos esse] omittendos esse. Hanc suam sententiam Baronibus et prelatis significarunt qui etiam in hac acquieverunt.

2 c

Mane 6 in domo archiepiscopali rursus convenit Senatus Regni publicique tres illos articulos de quibus inter ipsos convenit perlegi fecerunt. Mortuus est Notarius Urbis Posoniensis. In arcem exhibituri articulos de quibus convenerunt ascenderunt. Debrecinenses missi, in Confessu Baronum Prelatorum Nobilium Etc. exposuerunt suas Calamitates quas non ita pridem a militibus Circumforaneis Ungaris, qui etiam a Turcis coesi contumaciae sine et spurcissimorum facmorum quae putrare in oppido Debrecz non sunt veriti, iustas dederunt poenas, passi sunt, supplicetque facti ut pro ipsis apud Imperatorem intercederetur. Ab hoc die usque ad septimum huius Mensis nihil actum.

7 a

Nobilitati articuli de quibus in utrumque partem consensum est ab archiducibus Rodolpho electo Ungarorum rege et Ernesto exhibiti. Praelecti in domo Archiepiscopali Post quorum lectionem Johannes Ruberus in album Baronum Ungaricorum ritu eo quo hic honor [ob] conferri solet solemniter observato, ascitus est. Petitum est nomine Imperatoris ut [Las] Alberto Laskio quoque haec dignitas conferretur: Nobilitas nullo modo assentiri noluit quod haec res ipsorum decretibus quae nolunt ne Polonorum aut Italorum quisque Ungarus creetur, contraria<sup>40</sup> esset.

---

40 Utólag javítva.

8 b

Mane conventum est in Monasterio Praelecti articuli Rursus impugnare eosdem de quibus iam convenerunt articulos coeperunt. Post preelectionem horum Praelatos Barones in domo archiepiscopali congregatos adierunt. Primo de iuriaria qua decimatores in exigendis vinis decimalibus utuntur conquesti rationem seu modum quo haec vitiosa consuetudo tolle possit, iniri petierunt Secesserunt cum delectis nobilibus Praelati et Barones consulturi quomodo huic equitabilis subvenire quent.

9 c

Litteras a missis Bartphensibus et Zibiniensibus cum scripto Cameræ aulicae ad presidentem Strein accepimus. Exhibuimus scriptum, Significavit nobis sententiam Scripti, Majestatis ipsius hanc esse voluntatem ut non gravatim in hac ratione omni difficultate maxima Cives quinque liberarum Civitatum pro tenienda hac inopia et penuria pecuniam quam Taxam nocunt conferrent. Dominus Laurentius facultates ipsorum non esse eorum in eisdem ut quicquam dare possint nomine Civitatensium reddit in medium allatis omnibus incommodis quae causam praebant, quo minus voluntati imperatoriai satis facere possint. Item Strein Necesse omnio<sup>41</sup> esse ut tum aliquid conferamus hoc enim urgentissimam necessitatem requirere Si inquit, dominus Laurentius haec ipsius Majestatis voluntas est, tunc testamur Deum nos contributione tali in extremam [red] venturos esse miseriam Plurimum nostrum sunt qui se coniugem, liberosque aequa sustentare taceo ut quicquam dare possint, multisque aliis verbis penuriam, egestatem mala et incommoda Civitatensis exposuit.

10 d

Rursus accessimus Streinin denuo instantes, ut autor esset Imperatore quo hoc tempore Taxa a nobis tollatur. Item se libenter esse facturum sed omnia, quae ad incolumitatem nostram facere intelligeret, si modum aliquem intercessio ipsius

---

41 A szerző utólag javította.

apud Caesarem locum haberet. Sed se certo scire Majestatis ipsius sententiam non esse mutaturam. Idcirco patienter hoc malum ferendum esse. De communi consilio postera die, qui fuit dies e ut denuo apud Imperatorem instantent pro tollenda Taxa Viennam allegati, <dominus Martinus Kamner etc.> missi Epperiensis.

1[2]4 a

Ungari declarati Johannes Ruber et Fransiscus Popel iuramento solemniter praestato. Status et Ordines Regni in arcem ascenderunt valedicturi archiducibus siveque finis Conventui seu dietae impositus est.

Series redditus nostri.

15 b

Circiter horam quartam pomeridianam Posonio discessimus, eoque die Wartbergam usque 4 venimus

16 c

Vartberga in pagum Ormincz<sup>42</sup>.

17 d

Orminczo in oppidum Boimocz<sup>43</sup>

18 e

Boimoczo Suchanum.<sup>44</sup>

19 f

Suchano per montem Fatra in Oppidum Domini Nicolai

42 *Ürminc* (*Nyitra* vm.)

43 *Bajmóc* (*Nyitra* vm.)

44 *Szucsán* (*Turóc*)

20 g

Ad Nicolao in Poprad.<sup>45</sup>

21 a

Poprado Novocomium ubi humaniter a dominum Thomam Frölicz excepti sumus.

22 b

Novocomio Leutschoviam, inde in novam Villam.<sup>46</sup>

23 c

Ex Nova Villa Cassoviam circiter horam quartam pomeridianam.

25.

Legati seriem Dietae et negotiorum effectorum. Senatui et Communitati Civitatis recensuerunt.

1572.

Cassoviae

Titulus Domini Giengeri Consiliarii Aulicae Camerae Sacrae Caesareae Majestatis.

Dem Edlen und Gestrenger Herrn Wylhelmb Giennger, auff Rottenberg, Romische Kaiserliche Majestät Hoff Cammer Rath, meynem hochvertrauben lieben Hern.

---

45 Poprád (*Szepes* vm.)

46 Szinyeújfalu (*Sáros* vm.), ill. Ujfaluu (*Sáros* vm.) jöhét szóba, de valószínűleg Szinyeújfaluról van szó, mivel ez a Lőcse-Eperjes-Kassa útvonal felezőpontján helyezkedik el.

Titulus Domini Richardi Strein Praesidenti Camerae Aulicae Sacrae Majestatis  
Caesareae

Dem Wolgebornen Herrn, Herrn Reichardten Strein, Herrn zu Schwarczenaw,  
vnd Hartenstein Romische Kayserlichen Mayestäischen Ratt vnd der HoffCam-  
mer President meinem freuntlichen vnd hochvertrouwen lieben Herrn.

TAXAE IMPOSITIO Anno 1572.

Prudentis ac Circumspectis Judici et Juratis Civibus Civitatis nostrae Cassovi-  
ensis fidelibus nobis dilectis.

Maximilianus Secundus Divina favente clementia Electus Romanorum Impera-  
tor semper Augustus, ac Germaniae Hungariae Bohemiaeque Rex etc.

Prudentes ac Circumspecti fideles nobis dilecti. Quandoquidem Status et Ordines Regni istius nostri in proximo generali eorum conventu Posonii celebrato, pro suo erga nos et Regnum istud nostrum Hungariae patriam ipsorum amore, perpensis diversis et maximis necessitatibus atque sumptibus nostris gravissimis, quos in conservationem atque defensionem eiusdem Regni nostri et locorum finitimarum facilitatis nobis subsidium quaternorum florenorum per biennium obtulerint quod cum ad tot tantasque publicas necessitates non sufficiat, a vobis quoque tanquam fidelibus subditis nostris et membro dicti Regni nostri subsidium sive Taxam solitatis postulare voluimus. Cum itaque publica salus atque permansio communibus viribus atque auxiliis sustentari conservarique debet. Fidelitatem vestram harum serie benigne hortamur et etiam committimus atque mandamus firmiter ut summam octo millium florenorum hungaricalium subsidiis publica sive Taxae nomine statim et absque ulla prorsus mora ulteriori interposita in Cameram nostram Scepusiensem administrari numerarie curetis in publicas atque adeo confiniorum Regni neces-  
sitates, ex quorum conservatione salus atque permansio quoque vestra post Deum

optimum Maximum dependet, quamprimum convertendam. Secus non facturi. Datum in Civitate nostra Vienna die 20. Aprilis Anno domini .1572.

Maximilianus

Johannes Listhius Episcopus  
Vesprimiensis etc.

1572.

Cum igitur hoc Mandatum Inlyto Senatui atque communitati Civitatis perleatum declaratumque in Curia Senatoria fuisset: communibus votis conclusum est ut mitigatione huius insolitae Taxae, supplices litterae ad Sacram Majestatem Caesaream et duo ex Civibus mitterentur. Nos igitur Joannes Gulden Senator ac Leonartus Cromer Notarius Civitatis, ad eam rem fuimus electi, ac iter ingressi die 13 Maii b : pervenimus ad Sacram Majestatem Caesaream die .21. Maii c : in ortem Oberstorff valetudini dantem operam. Ubi supplicantes et difficultates Civitatis proponentes peraeximus Litteras supplicatorias sigillo Civitatis consignatas, orantes de mature et benigne responso. Sua Majestas easdem litteras post earum lectionem Camerae suaे Aulicae Viennam misit qui habito tractatu pro informatione scripsit Camerae Scepusiensis mandatum die 26. Maii et illud postae traditum est die 29 Maii quo die reliquarum Civitatum Nuncii ad nos Vienam venerunt nemepe<sup>47</sup> Leutschovia Clemens Malerae Bartpha: Andreas Sibenbürger Emerici Epperies Antonius Scholts: Zebin Andreas Fabri de eodem ipsis imposito gravamine supplicantes Caesarea Majestas. rediit Viennam die quarto Junii qui fuit Vigilia festi Corporis Christi circa occasum solis.

Exemplum Litterarum Aulicae Camerae et ad Scepusiensem Cameram .etc.

Maximilianus .etc.

Quomodo nobis humilime supplicaverint Judex et Jurati Cives Civitatis nostrae Cassoviensis, pro limitatione quadam nuper impositae Taxae octo millium flo-

---

<sup>47</sup> Vagyis nempe, ezenkívül a szerző javította „e”-re az „a”-t a szó végén.

norum, id ex adiecto scripto ipsorum cognoscetis. Cum itaque suos homines hic habeant qui pro maturo responso iustenti mandamus vobis benigne, ut nobis celeriter consilium et sententiam vestram rescribatis, quantum illis de imperata summa remittendum esse putetos Executuri in hoc benignam voluntatem nostram. Datae Viennae XXVI. die mensis Maii Anno Domini Septuagesimo Secundo.

Camerae Scepusiensis.

Postea die Junii allatae sunt nobis per postam Litterae Senatus, de negocio Blasii Zyraký et Reverendi Laurentii Jakus quos nos certis de causis postea tandem die 17 Junii cum informatione Caesari obtulimus.

Die .18. Junii Domino Richardo Strein Praesidentis litteras Teuffenbachii reddidimus quas futuram relaxationem Taxae dixit. Promittatus se acturum cum domino Gienger.

Die 20 Junii e. Caesareae Majestati sequenti scripto supplicavimus. Sacratissima Caesarea et Regia Majestas ac Domine Domine noster naturalis clementissime. Supplicatur Sacrae Majestati Vestrae nomine et in persona fidelium Sacrae Majestatis Vestrae subditorum. Judicis et Juratorum caeterorumque omnium Civium Civitatis Cassoviensis in eo humilime, ut ipsis Sacra Majestas Vestra ex parte nuper impositae extraordinariae Taxae clementer providere dignetur. Quantopere .n. et quique variis modis praemantur ac in dies vires: illorum attenuentur non solum vulgo, vehementiam Dominis Consiliariis Sacrae Majestatis Vestrae plurimis notum esse certum est. Ac nisi larga et speciali liberalitate atque clementia hoc onerosa nimis Taxa limitata, ac deinde in solutionem debita Textant, dudumque Camerae Scepusensi innotuerunt, deputata fuerint nemo Civium sero in satu permanere poterit. Per huiusmodum .n. insolitas Taxas ad extremam redigenter inopiam, ac tandem<sup>48</sup> suas domos atque alias hereditates contra iura et antiquam libertatem suaे Civitatis, quibuscumque difendere et ex Civibus, inquilini fieri cogentur. Valde autem tota Civitas consternata est, qui nec habeat, nec videat unde tanta pecuniae

---

48 A „t”-t a szerző eredetileg „d”-nek írta, amit később átjavított.

summa conquerenda sit. Nam et creditoribus qui ad exolutionem Taxae Anni 1569. pecuniam Civitati dederunt mutuo, nondum solis, prae inopia fieri potuit, et qui amplius mutuo det nemo est, nisi villulae Civitati vicinae vel oppignerentur vel iure perpetuo vendantur. Id vero si fieret iam praeter cetera Civitati nec silvae essent nec Coloni qui ligna pro necessitate tam domini Generalis quoque praesidia notis militum exhibias diurnas nocturnaque facientium prout fieri omni tempore oportet, sine precio conveherent ac alia quoque servitia Civitati praestarent. Negotiationis vero rationes et viae concidunt, propter pericula, quae itinerantibus ac foris victimum quaerentibus ex vicinis admodum hostibus ubique imminent. Dignetur ergo Sacra Majestas Vestra pro sua innata et privata clementia ipsis Civibus Cassoviensibus tanquam fidelibus subditis in tanta illorum oppressione ac paupertale benigne propiscere, largaque Taxae ipsius remissione, inopiae illorum abvenire: quandoquidem continua per tot annos militum praesidiariorum permansio, qui ibi sine molestiis et damnis Civium teneri non possunt, loco Taxae merito haberi debere censeatur. Sed haec in sola Sacrae Majestatis Vestrae clementia atque misericordia consistunt omnia. Expectant a Sacra Majestate Vestra clementissima ac quo ad enim fieri potest maturam relationem. Sacrae Caesareae et Regiae Majestatis Vestrae humilime ac fideles semper subditi. Nuncii Civitatis Cassoviensis.

Die 22. Junii scripsimus Senatui de Camerae Scepusiensis opinione nondum huc missa: petentes ut ea quoprimum curetur ad nos perferri.

Die 24. Junii accepimus Litteras Senatus datas Cassoviae die 17. Junii de voluntatis Camerae illius erga Civitatem significatione.

Die 26. Junii Domine Jacobus Hueber dixit nobis eodem die venisse Opinionales litteras a Scepusiensi Camera. ex parte Taxae:

Tandem die prima Julii in Camera Aulica Sacrae Majestatis Caesareae conclusum est et mandatum ut saltem 4000 florenos Cassovienses numerent in Cameram Scepusiensem sine ulla Debitorum detractione.

Die itaque 4 Julii venimus Vienna eoque die Posonum mature pervenimus  
5 Julii Tirnavia<sup>49</sup> pransi pervenimus ad villam Episcopi<sup>50</sup>

6 Julii in Sambokreth<sup>51</sup> sumsimus prandium et pernoctavimus in villa Kosth<sup>52</sup>  
prope Prividiam<sup>53</sup>

7 Julii venimus tempore meridiā ad Pronam Sclavoniam<sup>54</sup> et vesperi ad Sanctum Martinum.

8 Julii venimus ante meridiā in villam Krulowenÿ<sup>55</sup> et totum diem ibi propter  
exudentem Arvam fluviū manere nos oportuit

9 Julii in Rosenberg<sup>56</sup> sumus pransi et apud Sanctum Petrum<sup>57</sup> pernoctavimus

10 Julii in villa Czeplicze<sup>58</sup> sumsimus prandium. Leutschoviaeque per noctem  
mansimus

11 Julii Sumpto in Syroka<sup>59</sup> prāndiolo venimus ad Radach<sup>60</sup> vesperi

12 Julii surgentes hora XI medium Venimus Cassoviam. Deo propicio.

(Vége)

49 Nagyszombat (*Pozsony* vm.)

50 Püspöki (*Nyitra* vm.)

51 Zsámbokréti (*Nyitra* vm.)

52 Koss (*Nyitra* vm.)

53 Privigye (*Nyitra* vm.)

54 Tótpróna (*Túróc* vm.)

55 Kralován (*Arva* vm.)

56 Rózsahegy (*Liptó* vm.)

57 Szentpéter (*Liptó* vm.)

58 Teplic (*Liptó* vm.)

59 Siroka (*Sáros* vm.)

60 Radács (*Abaúj* vm.)